

古文辭類纂評註

第八冊

書說類四

古文辭類纂評註卷二十七

桐城姚鼐纂集

鄒陽諫吳王書

陽齊人事吳王璆時吳王陰有異謀陽上書諫之

只此二句便是吳操之藥

後漢破吳卒用此計吳王覽此而不覺故曰吳何知反

臣聞秦倚曲臺之宮。懸衡天下。畫地而不犯。兵加胡越。至其晚節末路。張耳陳勝連從兵之據。以叩函谷。咸陽遂危。何則。列郡不相親。萬室不相救也。今胡數涉北河之外。上覆飛鳥。下不見伏兔。鬪城不休。救兵不至。死者相隨。輦車相屬。轉粟流輸。千里不絕。何則。彊趙責於河間。六齊望於惠后。城陽顧於盧博。三淮南之心。思墳墓。大王不憂。臣恐救兵之不專。胡馬遂進。窺於邯鄲。越水長沙。還舟青陽。雖使梁并淮陽之兵。下淮東。越廣陵。以遏越人之糧。漢亦折西河而下。北守漳水。以輔大國。胡亦益進。越亦益深。此臣之所爲大王患也。臣聞交龍驤首奮翼。則浮雲出流。霧雨咸集。聖王砥節修德。則游談之士。歸義思名。今臣盡智畢議。易精極慮。則無國不可奸。飾固陋之心。則何王之門不可曳長裾乎。然臣所以歷數王之朝。背淮千里而自致者。非惡臣國而樂吳民也。竊高下風之行。尤說大王之義。故願大王之無忽。察聽其志。臣

通管文氣
磊落有戰
國之風中
多隱語要
意於言外見

聞鷺鳥纍百。不如一鶚。夫全趙之時。武力鼎士。衽服叢臺之下者。一旦成市。而不能止幽王之湛患。淮南連山東之俠。死士盈朝。不能還厲王之西也。然而計議不得。雖諸賁不能安其位。亦明矣。故願大王審畫而已。始孝文皇帝據關入立。寒心銷志。不明求衣。自立天子之後。使東牟朱虛東褻義父之後。深割嬰兒王之壤。子王梁代益以淮陽。卒仆濟北。囚弟於雍者。豈非象新垣平等哉。今天子新據先帝之遺業。左規山東。右制關中。變權易勢。大臣難知。大王弗察。臣恐周鼎復起於漢。新垣過計於朝。則我吳遺嗣。不可期於世矣。高皇帝燒棧道。水章邯。兵不留行。收弊民之倦。東馳函谷。西楚大破。水攻則章邯以亡其城。陸擊則荆王以失其地。此皆國家之不幾者也。願大王熟察之。

註釋

曲臺宮名。懸衡天下。

言懸法度於上。若懸衡以稱輕重。所以一天下之耳目也。

彊趙責於河間。

河間。今直隸河間縣。趙幽王爲

呂后所殺。文帝立其長子。遂爲趙王。取趙之河間。立弟辟疆爲河間王。至子哀王無嗣。遂欲復還得河間也。

六齊

見司馬子長漢興以來諸侯年表序。

望於惠后。

惠。惠帝后。呂后。

望。怨望也。呂后割齊濟南郡爲呂王台奉邑。又割琅邪郡封劉澤爲琅邪王。文帝乃立悼惠王六子爲王。故六齊追怨惠帝與呂后也。

城陽

今山東莒縣。顧於盧博。盧博。城陽王名喜。

今山東長清縣。濟北王治處。文帝封喜父章爲城陽王。章弟興居爲濟北王。章與興居頗快快。後興居誅死。章亦薨。故喜願念而恨也。

三淮南

見司馬子長漢興以來諸侯年表序。

心思

墳墓

淮南王長謀反，廢徙蜀道死，文帝立其子為王，言三子念其父之見殺也。

救兵之不專

言吳若反，天子來討，四國皆顧其私怨，未必相救也。

邯鄲

見蘇明允

權書

還舟

聚舟也。

青陽

吳地，漢置國，今河南商邱縣。

淮陽

漢置國，今河南淮陽縣地。

廣陵

漢置國，今江蘇江都縣東北。

西河

即陝西山西間

之黃河，以在冀州之西，故曰西河。

漳水

出山西太原府，在趙北。

大國

指趙。

胡亦益進，越亦益深

時吳欲通越，趙欲通胡，陽欲諫之而不能明言，故錯

亂其辭，以恐之。

交龍蛟

交同，求也。

說同

鶚也

鼎士

舉鼎之士。

絃服

音縣，絃服也。

叢臺

趙王之臺。

湛

同沈。

厲王

名長。

諸賁

孟賁，專諸。

孝文皇帝

見會子固唐論。

東牟

東牟侯。

朱虛

朱虛侯章。

東褒義父之後

義父，一本作儀父，春秋時，儀父服事齊桓，以獎王室，王命以為邾子，當呂氏之亂，齊王首討諸呂，故文帝封其子，而遣朱虛侯章東使就王封，猶春秋褒邾儀父也。

深割嬰兒王之

封齊王六子時，其中有幼小者。

壤子

方言，梁益之間所愛，謂其肥盛曰壤。

王梁代益以淮陽

文帝時，梁王揖，代王參，淮陽王武，後梁王揖早薨，徙武為梁王。

仆

濟北

濟北王興居反，見誅。

囚弟於雍

淮南王長有罪，見徙死於雍。

象也

新垣平

趙人，言吳趙二國有姦臣，如新垣平等勸王共反也。

今天

子景

先帝

周鼎復起於漢

新垣平言周鼎在泗水中，弗迎則不至，為吳計者，猶新垣平之言弗迎則不可得也。

過也

燒棧道

史記張良

說漢王燒棧道。

水章邯

章邯為雍王，高祖以水灌其城，敗之。

鄒陽獄中上梁王書

梁孝王名武，陽以吳王不可說，去之梁，從孝王遊，羊勝、公孫詭等疾陽，惡之於孝王，孝王怒，下陽獄，吏將殺之，陽從獄中上書自明。

臣聞忠無不報，信不見疑，臣常以為然，徒虛語耳。昔荆軻慕燕丹之義，白虹貫日，太子畏之；衛先生為秦畫長平之事，太白食昴，昭王疑之。夫精變天地，而信不諭兩主，豈不哀哉！今臣盡忠竭誠，畢議願知，左右不明，卒從吏訊，為

言起尾忠四語全提
見疑引骨信字首
致加刑者事首

激爲逃世之行高出

一層

本意已醒

加一層複

勒已上是冒

再開局提

出士之見

信由於相

知新故字與

前意別複

就蘇白複

醒知字

故字以承

作轉言相

知因嫉妬

而問並推

出見嫉取

禍由於不

肯黨同順

故字亦順

衍而轉意

世所疑。是使荆軻衛先生復起。而燕秦不悟也。願大王熟察之。昔玉人

史記作卞和

獻寶。楚王誅之。李斯竭忠。胡亥極刑。是以箕子佯狂。接輿避世。恐遭此患也。

願大王察玉人李斯之意。而後楚王胡亥之聽。毋使臣爲箕子接輿所笑。臣

聞比干剖心。子胥鴟夷。臣始不信。乃今知之。願大王熟察。少加憐焉。

以上一段言忠信而

不見語曰。有白頭如新。傾蓋如故。何則。知與不知也。故樊於期逃秦之燕。藉

荆軻首以奉丹事。王奢去齊之魏。臨城自剄。以卻齊而存魏。夫王奢樊於期。

非新於齊秦。而故於燕魏也。所以去二國。死兩君者。行合於志。慕義無窮也。

是以蘇秦不信於天下。爲燕尾生。白圭戰亡六城。爲魏取中山。何則。誠有以

相知也。蘇秦相燕。人惡之。燕王按劍而怒。食以駃騠。白圭顯於中山。人

惡之。魏文侯。文侯賜以夜光之璧。何則。兩主二臣。剖心析肝。相信。豈移於浮

辭哉。故女無美惡。入宮見妒。士無賢不肖。入朝見嫉。昔司馬喜臙脚於宋。卒

相中山。范雎拉脅折齒於魏。卒爲應侯。此二人者。皆信必然之畫。捐朋黨之

私。挾孤獨之交。故不能自免於嫉妒之人也。是以申徒狄蹈雍之河。徐衍負

石入海。不容於世。義不苟取。比周於朝。以移主上之心。故百里奚乞食於道。

言人主當於不黨之
士信之不
惑也以下
話頭貼人
主身上說
惑於讒則
國危一證
不惑則國
強一證

繳筆添四
人更慘於
孔墨也

此下所引
意在人主
推誠而不
聽讒則必
收報

前兩層正
此層反

路繆公委之以政甯戚飯牛車下桓公任之以國此二人者豈素宦於朝借
譽於左右然後二主用之哉感於心合於行堅如膠漆昆弟不能離豈惑於
衆口哉故偏聽生姦獨任成亂昔魯聽季孫之說逐孔子宋任子冉史作子罕之
計囚墨翟夫以孔墨之辯不能自免於讒諛而二國以危何則衆口鑠金積
毀銷骨也秦用戎人由余而霸中國齊用越人子臧二字史作蒙而彊威宣此二國
豈係於俗牽於世繫奇史作回偏之浮辭哉公聽並觀垂明當世故意合則胡
越爲兄弟由余子臧是矣不合則骨肉爲讐敵朱象管蔡是矣今人主誠能
用齊秦之明後宋魯之聽則五霸不足侔而三王易爲比也以上一段言新仕羈旅故爲左右所譖
是以聖王覺寤捐子之之心而不說田常之賢封比干之後修孕婦之墓故
功業復於天下何則欲善亡厭也夫晉文親其讐彊霸諸侯齊桓用其讐而
一匡天下何則慈仁殷勤誠加於心不可以虛辭借也至夫秦用商鞅之法
東弱韓衛立二字史作魏兵彊天下卒車裂之越用大夫種之謀禽勁吳而霸中國
遂誅其身是以孫叔敖三去相而不悔於陵子仲辭三公爲人灌園今人主
誠能去驕傲之心懷可報之意披心腹見情素墮肝膽施厚德終與之窮達

大暢得士之效所謂士體羣臣則報禮重也

此蒙士心報主因接士身進退說點破左對近習針前所陳嫉妬之文更原爲扶透根

此兕到人主陶鈞昭曠正顯出上書本旨亦即爲篇末立身自重引脈

鮑焦句掉入士身未結到士

無愛於士則桀之犬可使吠堯跖之客可使刺由何況因萬乘之權假聖王

之資乎然則荆軻湛七族要離燔妻子豈足爲大王道哉以上承第一段欲王知其忠信而終任之臣

聞明月之珠夜光之璧以闇投人於道衆莫不按劍相眄者何則無因而至

前也蟠木根抵輪囷離奇史作詭而爲萬乘器者以左右先爲之容也故無因

而至前雖出隋珠和璧史作隨侯之珠夜光之璧祇怨結而不見德有人先游則枯木朽株

樹功而不忘今夫天下布衣窮居之士身在貧羸雖蒙堯舜之術蒙史作包挾伊

管之辯懷龍逢比干之意史有欲盡忠當世之君而素無根抵之容雖竭精神欲開忠於

當世之君史作欲開忠信輔人主之治則人主必襲按劍相眄之迹矣是使布衣之士不得

爲枯木朽株之資也是以聖王制世御俗獨化於陶鈞之上而不牽乎卑辭

史作之語不奪乎衆多之口故秦皇帝任中庶子蒙史有嘉字之言以信荆軻而

七首竊發周文王獵涇渭載呂尙歸以王天下秦信左右而亡周用烏集而

王何則以其能越攀拘之語馳域外之議獨觀乎昭曠之道也今人主沈諂

諛之辭牽帷廡之制使不羈之士與牛驥同皁此鮑焦所以憤於世史有而不留富貴之

樂也以上承第二段欲王知其新仕羣族而勿信左右臣聞盛飾入朝者不以私汙義底厲名號者不以利

之立身品
地絕高

氣骨挺然
忠信字合
篇首

傷行。故里名勝母。曾子不入。邑號朝歌。墨子回車。今欲使天下寥廓之士。籠
於威重之權。脅於位勢之貴。回面汙行。以事諂諛之人。而求親近於左右。則
士有伏死堀穴巖藪。史作巖之中耳。安有盡忠信而趨闕下者哉。末段兼承前兩層意。言忠信之士。必不以

新仕羈旅之故。而
屬志於左右也。

註釋

荆軻

見蘇子瞻
留侯論

燕丹

燕太子

白虹貫日

列士傳。荆軻發後。太子相氣。見白虹貫日。不徹。曰。吾事不成矣。言精誠若斯。太子尚畏而不信也。

衛先生

白起伐趙。勝於長平。欲遂滅趙。遣衛先生說昭王益兵。為應侯所害。

太白食昂

太白。天之將軍。昂。趙分也。食。干歷也。言精神上達於天。故太白為之食昂。

玉

人獻寶

卡和得玉璞。獻之武王。王示玉人。曰。石也。則其右足。武王歿。復獻文王。玉人復曰。石也。則其左足。至成王時。抱其璞哭於郊。乃使玉人攻之。果得寶玉。

李斯竭忠

李斯諫二世以

箕子

見范曄說
秦昭王

接輿

姓陸。名通。論語楚狂接輿歌而過。

比干剖心

比干。彊諫。紂怒曰。吾聞聖人心有七竅。剖比干。觀其心。

子胥鴟夷

鴟夷。形似酒器。吳王取馬革為鴟夷。受子胥沉之江。

樊於期

於期為秦將。被讒。走之燕。始皇滅其家。又重購之。燕遣荆軻刺秦王。於期自刎首。令軻齎往。

奢

奢。齊臣。亡至魏。後齊伐魏。奢登城自刎。不為魏累。

蘇秦

見賈生
過秦論

為燕尾生

尾生。古之信士。秦說齊宣王。使還燕十城。又令閔王厚葬以弊齊。終身為燕。故以尾生。

喻之白圭

圭為中山將。亡六城。君欲殺之。亡入魏。文侯厚遇之。還拔中山。

馱騾

音決。馱。駿馬也。秦雖蒙謗。王更食以珍奇之品。

司馬喜

六國相。字叔。魏相。魏齊。

疑其以國陰事告齊。乃掠筭數百。拉脅折齒。

申徒狄

殷之末
世人也。

雍之河

水自河出。為雍。言狄先蹈雍而後入河也。

徐衍

周之末
時人也。

百里奚

虞人。聞秦。

繆公賢。欲往于之。乏資。乞食以自致。

寧戚

甯戚。飯牛車下。擊牛角而歌。桓公以為大夫。

季孫

魯大夫。季桓子也。名斯。桓子使定公受齊之女樂。蓋欲去孔子也。

子冉

子罕也。

朱堯子象

舜弟。見韓退之原性。

管蔡

子之

燕相。燕王噲屬國。子之。國乃大亂。

田常

即陳恒。齊簡公悅之。而殺簡公。

修孕婦之墓

紂剗妊者。

通篇以得失禍福立說引古單申得全正與後對射後乃多言失全也以下全用設喻劈然揭出危勢層層滾進

觀其胎產、武王克商、晉人親其讎、寺人物提爲晉獻公逐文公、斬其袪、齊桓用其讎、管仲射中桓公帶鉤、

而用商鞅、見蘇子瞻志、林始皇扶蘇、大夫種、見蔡澤、說應侯、孫叔敖、孫叔敖三仕爲令尹、無喜色、三已之、無愠色、於陵子仲、於陵地名、子仲、陳仲

子也、兄戴爲齊相、仲子以爲不義、乃居於陵、爲人灌園、盜、由、許、湛七族、七族、上至高祖、下至曾孫、湛沒也、要離、吳王闔閭爲加要離、罪燒

忌、音麴邪、蟠、曲也、音蒂、根、輪困離奇、委曲盤、隋珠、隋侯之珠、和璧、下和、伊管、伊尹、龍逢、見

明允、陶家名轉者爲鈞、蓋取周回調鈞耳、中庶子蒙、中庶子、官名、蒙、姓也、國策荆軻至秦、因秦王寵臣中庶子蒙嘉得見、涇

渭、二水名、在陝西省、呂尚、姓姜、鳥集、言文王之得太公、非因舊故、若鳥鳥之暴集、昭曠、昭、明也、曠、廣也、牽帷、秦所

牽制、也、皐、也、鮑焦、見魯仲連、說辛垣衍、

枚乘奏吳王書、乘字叔淮陰人、爲吳王濞郎中、

臣聞得全者全昌、失全者全亡、舜無立錐之地、以有天下、禹無十戶之聚、以王諸侯、湯武之士、不過百里、上不絕三光之明、下不傷百姓之心者、有王術也。故父子之道、天性也、忠臣不避重誅、以直諫、則事無遺策、功流萬世、臣願披腹心而效愚忠、惟大王少加意念惻怛之心、於臣乘言、夫以一縷之任、係千鈞之重、上懸無極之高、下垂不測之淵、雖甚愚之人、猶知哀其將絕也。馬方駭鼓而驚之、繫方絕又重鎮之、繫絕於天、不可復結、墜於深淵、難以復

所欲爲畧一透露却開以回頭審處之路前段暗指此喻所謀雖隱跡必追終顯更層緊一層勿言勿爲亦是透露處入後段以忠臣用心能察幾先作引蓋將告以當幾自遇此爲規諫本意

前云福基禍胎此云棄義背理亦是露眼

出其出不出間不容髮。能聽忠臣之言。百舉必脫。必若所欲爲。危於累卵。難於上天。變所欲爲。易於反掌。安於泰山。今欲極天命之壽。敝無窮之樂。究萬乘之勢。不出反掌之易。居泰山之安。而欲乘累卵之危。走上天之難。此愚臣之所大惑也。人性有畏其景而惡其跡者。卻背而走。跡愈多。景愈疾。不知就陰而止。景滅跡絕。欲人勿聞。莫若勿言。欲人勿知。莫若勿爲。欲湯之滄。一人炊之。百人揚之。無益也。不如絕薪止火而已。不絕之於彼而救之於此。譬猶抱薪而救火也。養由基楚之善射者也。去楊葉百步。百發百中。楊葉之大。加百中焉。可謂善射矣。然其所止。百步之內耳。比於臣乘。未知操弓持矢也。福生有基。禍生有胎。納其基。絕其胎。禍何自來。泰山之雷穿石。單極之統斷幹。水非石之鑽。索非木之鋸。漸靡使之然也。夫銖銖而稱之。至石必差。寸寸而度之。至丈必過。石稱丈量。徑而寡失。夫十圍之木。始生如蘖。足可搔而絕。手可擢而拔。據其未生。先其未形也。磨礱砥礪。不見其損。有時而盡。種樹畜養。不見其益。有時而大。積德累行。不知其善。有時而用。棄義背理。不知其惡。有時而亡。臣願大王孰計而身行之。此百世不易之道也。

此書真大有可疑。上林皆武帝時何得云。然不特齊王一事相抵牾也。

此下言吳之府庫過於秦甚。以可樂飲以利也。

五不如章法。

註釋 三光 日月星 滄 寒也 養由基 見蘇厲爲周說白起 統 古纒字 銖 二十四分 藥 伐木餘也 搔 抓也

枚乘復說吳王

昔者秦西舉胡戎之難。北備榆中之關。南距羌笮之塞。東當六國之從。六國乘信陵之籍。明蘇秦之約。厲荊軻之威。并力一心以備秦。然秦卒禽六國。滅其社稷。而并不下。是何也。則地利不同。而民輕重不等也。今漢據全秦之地。兼六國之衆。修戎狄之義。而南朝羌笮。此其與秦地相什而民相百。大王之所明知也。今夫讒諛之臣。爲大王計者。不論骨肉之義。民之輕重。國之大小。以爲吳禍。此臣所以爲大王患也。夫舉吳兵以訾於漢。譬猶蠅蚋之附羣牛。腐肉之齒利劍。鋒接必無事矣。天子聞吳率失職。諸侯願責先帝之遺約。今漢親誅其三公以謝前過。是大王之威加於天下。而功越於湯武也。夫吳有諸侯之位。而實富於天子。有隱匿之名。而居過於中國。夫漢并二十四郡。十七諸侯。方輸錯出。運行數千里。不絕於道。其珍怪不如東山之府。轉粟西鄉。陸行不絕。水行滿河。不如海陵之倉。修治上林。雜以離宮。積聚玩好。圈守禽獸。不如長洲之苑。游曲臺。臨上路。不如朝夕之池。然壁高壘。副以關城。不如

此後語甚
精附頗似
鄒陽諫吳
王書言齊
漢書言楚
王問吳殺
平乃自殺
今乘先言
誤之必有一

江淮之險。此臣之所以爲大王樂也。今大王還兵疾歸。尙得十半。不然。漢知吳之有吞天下之心也。赫然如怒。遣羽林黃頭。循江而下。襲大王之都。魯東海絕。吳之饗道。梁王飭車騎。習戰射。積粟固守。以備榮陽。待吳之饑。大王雖欲反都。亦不得已。夫三淮陽之計。不負其約。齊王殺身以滅其迹。四國不得出兵其郡。趙囚邯鄲。此不可掩。亦已明矣。大王已去千里之國。而制於十里之內矣。張韓將北地弓高宿左右。兵不得下壁。軍不得太息。臣竊哀之。願大王孰察焉。

註釋

榆中

見陳餘遺章邯書

笮

音昨西南夷也

與秦地相什而民相百

言漢地十倍于秦而衆百倍于秦也

訾

量齒猶

也

誅三公

言誅黜錯也錯爲御史大夫故曰三公

有隱匿之名

謂吳地僻在東南也

方輸錯出

言貢獻之多四方更輸錯雜而出也

東山

吳王之府藏也

海陵

縣名今江蘇泰縣地有吳太倉

長洲

縣名今江蘇吳縣

曲臺

長安臺也臨道上

朝夕之池

吳以海水朝夕爲池

尙得十

半

言十分之中可冀五分無患也

羽林黃頭

羽林黃頭郎習水戰者也

饗道

饗同餉吳饗軍自入河故命魯國入東海郡以絕其道也

榮陽

見賈讓治河奏

三淮南

見司馬子長漢興以來諸侯年表序吳楚反皆不從

齊王殺身

齊孝王將閭自殺按齊王自殺在胡楚既平之後疑有誤

四國

膠東膠西濟北菑川

囚邯鄲

漢將酈寄圍趙王於邯鄲

張韓

張韓安國

弓高

弓高侯韓頰當

宿

止軍也

司馬子長報任安書

安字少卿爲益州刺史

摘來書推
賢意作答
書發意之
資

撥轉自身
撮領懷憤
大意

遞入作書

舒憤懣全
書大旨

書內所云
不出辱身
謝交忍死
著書等意
五者隱括

出宮刑憤
懣在此

太史公牛馬走司馬遷再拜言

漢書無此十二字。竊疑太史公公字乃令字。選文傳本誤耳。

少卿足下。曩者辱賜

書。教以慎於接物。推賢進士為務。意氣懃懃懇懇。若望僕不相師。而用

而用漢書作用

而流俗人之言。僕非敢如此也。僕雖罷駑。亦嘗側聞長者遺風矣。顧自以為

身殘處穢。動而見尤。欲益反損。是以鬱悒而無

文選作與

誰語。諺曰。誰為為之。孰

令聽之。蓋鍾子期死。伯牙終身不復鼓琴。何則。士為知己者

漢書無者字

用。女為說

己容。若僕大質已虧缺。雖才懷隨和。行若由夷。終不可以為榮。適足以發笑

而自點耳。書辭宜答。會東從上來。又迫賤事。相見日淺。卒卒無須臾之間。得

竭指意。今少卿抱不測之罪。涉旬月。迫季冬。僕又薄從上上

文選少一上字

雍。恐卒

然不可諱。是僕終已不得舒憤懣以曉左右。則長逝者魂魄私恨無窮。請略

陳固陋。闕然不報。幸勿過。僕聞之。修身者智之府也。愛施者仁之端也。取與

者義之符也。恥辱者勇之決也。立名者行之極也。士有此五者。然後可以託

於世。列於君子之林矣。故禍莫憯於欲利。悲莫痛於傷心。行莫醜於辱先。而

詬莫大於宮刑。刑餘之人。無所比數。非一世也。所從來遠矣。昔衛靈公與雍

渠載。孔子適陳。商鞅因景監見。趙良寒心。同子參乘。袁絲變色。自古而恥之。

謝解來書
此一兒
此下可接
且事本末
矣添一段
自嘲自慨
沉鬱頓挫
之文增多
少色態
跌落

來書又一
兜本段正
申前段也
下訴得罪
之由
日營職
函得作史
時已從事
七年也
入李陵著
得罪之由

夫中才之人。事有關於宜豎。莫不傷氣。況慷慨之士乎。如今朝雖乏人。奈何

令刀鋸之餘。薦天下豪儁。

文選作俊

哉。僕賴先人緒業。得待罪輦轂下。二十餘年。

矣。所以自惟。上之不能納忠效信。有奇策才力之譽。自結明主。次之又不能

拾遺補闕。招賢進能。顯巖穴之士。外之不能備行伍。攻城野戰。有斬將擐旗

之功。下之不能累日積勞。取尊官厚祿。以爲宗族交游光寵。四者無一遂。苟

合取容。無所短長之效。可見於此矣。嚮者僕亦常廁下大夫之列。陪奉外廷

末議。不以此時引綱維。盡思慮。今已虧形爲掃除之隸。在闕茸之中。乃欲仰

首伸眉。論列是非。不亦輕朝廷。羞當世之士邪。嗟乎。嗟乎。如僕尙何言哉。尙

何言哉。且事本末未易明也。僕少負不羈之才。長無鄉曲之譽。主上幸以先

人之故。使得奉薄伎。出入周衛之中。僕以爲戴盆何以望天。故絕賓客之知。

忘室家之業。日夜思竭其不肖之才力。務一心營職。以求親媚於主上。而事

乃有大謬不然者。夫僕與李陵俱居門下。

鼎按李陵少爲侍中侍中得入宮門故謂之門下太史公蓋亦入宮門者故俱居門下

素

非

文選有能字

相善也。趣舍異路。未嘗銜盃酒接慇懃之歡。然僕觀其爲人。自

文選有守字

奇。士事親孝。與士信。臨財廉。取與義。分別有讓。恭儉下人。常思奮不顧身。以

筆忽振激
陷虜事空
中一單事
豈止不當
而已而文
自悲壯
實叙生氣
勃勃

筆再振激

才落敗事

說到援救
先透心中
惋惜神情
以虛運實

實寫反簡
正是自明
心跡處

殉國家之急其素所蓄積也僕以為有國士之風夫人臣出萬死不顧一生

之計赴公家之難斯已奇矣今舉事一不當而全軀保妻子之臣隨而媒孽

其短僕誠私心痛之且李陵提步卒不滿五千深踐戎馬之地足歷王

庭垂餌虎口橫挑彊胡仰億萬之師與單于連戰十餘日所殺過當虜救死

扶傷不給旃裘之君長咸震怖乃悉徵其左右賢王舉引弓之民一國共攻

而圍之轉鬪千里矢盡道窮救兵不至士卒死傷如積然陵一呼勞軍士無

不起躬選有自字流涕沫血飲泣張空拳選作拳冒白刃北首爭死敵者漢無者字陵未沒

時使有來報漢公卿王侯皆奉觴上壽後數日陵敗書聞主上為之食不甘

味聽朝不怡大臣憂懼不知所出僕竊不自料其卑賤見主上慘愴漢書作悽悽

悼城欲效其款款之愚以為李陵素與士大夫絕少分甘漢書作絕甘分少能得人漢書有之

死力雖古之漢無之字名將不能漢無能字過也身雖陷敗彼觀其意且欲得其當而

報選有於字漢事已無可奈何其所摧敗功亦足以暴於天下矣漢無矣字僕懷欲陳之

而未有路適會召問即以此指推言陵之漢無之字功欲以廣主上之意塞睚眦

之辭未能盡明明主不深選無深字曉以為僕沮貳師而為李陵游說遂下於理

落到得罪

接言解脫
無路乃其
憤懣處

複歎

此下在白
罪由之後
述著史之
前盡情將
慘辱聲訴
大舒憤懣
俱是顧盼
摩盪之文

接受辱意
反覆寫理
追述以下
時起以猛
虎以引

拳拳之忠終不能自列因為誣上卒從吏議家貧貨賂不足以自贖交游莫

救選有視字左右親近不為一言身非木石獨與法吏為伍深幽囹圄之中誰可

告愬者此正選作真少卿所親見僕行事豈不然耶選作乎李陵既生降頽其家

聲而僕又俾之漢作茸以蠶室重為天下觀笑悲夫悲夫事未易一二為俗人言

也此下自恥辱引入立名如江河之上風起水湧怒濤萬變而卒輪於海天下之至奇也僕之先人非有剖符丹書之功文史星歷

近乎卜祝之間固主上所戲弄倡優畜之選作蓄漢流俗之所輕也假令僕伏法

受誅若九牛亡一毛與螻蟻何以漢無以字異而世俗又不能與死節者比特以

為智窮罪極不能自免卒就死耳何也素所自樹立使然也漢無也字人固有一

死死有重於太山或輕於鴻毛用之所趣異也太上不辱先其次不辱身其

次不辱理色其次不辱辭令其次詘體受辱其次易服受辱其次關木索被

箠楚受辱其次剔漢作鬻毛髮嬰金鐵受辱其次毀肌膚斷股體受辱最下腐

刑極矣傳曰刑不上大夫此言士節不可不勉漢無勉字厲也猛虎處深山百獸

震恐及在牢檻之中及字下漢書有其字搖尾而求食積威約之漸也故士有畫地為牢

勢不可漢無可字下同入削木為吏議不可對定計於鮮也今交手足受木索暴肌膚

辱字一勸
此則援古
以自解其
辱善占地
步

仍以辱字
駕在古人
身上再勸
舒憤懣至
此勢稍平
夷

此後許多
曲折乃借
忍死引出
作史戀親
族下曲
一勇怯相
衡一臧獲
況而愈下
又一曲

受榜箠幽於圜牆之中當此之時見獄吏則頭搶地視徒隸則心惕息何者

積威約之勢也及已至此言不辱者所謂彊顏耳曷足貴乎且西伯伯也拘

於漢無於字羑漢作里李斯相也具於漢無於字五刑淮陰王也受械於陳彭越張敖南

鄉稱孤繫獄具罪絳侯誅諸呂權傾五霸囚於請室魏其大將也衣赭衣無漢

衣字關三木季布爲朱家鉗奴灌夫受辱居室此人皆身至王侯將相聲聞鄰

國及罪至罔加不能引決自裁漢作財字在塵埃之中古今一體安在其不辱也

由此言之勇怯勢也彊弱形也審矣曷足怪乎夫漢作且人不能早自裁繩墨

之外已漢作以稍陵遲漢作夷至於鞭箠之間乃欲引節所不亦遠乎古人所以重

施刑於大夫者殆爲此也夫人情莫不貪生惡死念父母漢作親顧妻子至激

於義理者不然乃有所不得已也今僕不幸早失父母漢作二親無兄弟之親獨

身孤立少卿視僕於妻子何如哉且勇者不必死節怯夫慕義何處不勉焉

僕雖怯懦漢作要欲苟活亦頗識去就之分矣何至自湛溺縲紲之辱哉且夫

臧獲婢妾猶能引決況若僕之不得已乎所以隱忍苟活幽於漢作無於字糞土

之中而不辭者恨私心有所不盡鄙陋漢無陋字沒世而文采不表於後世漢無世字